



PSALM 94


94




Ver - skyn, o Reg - ter van die reg-spraak,




U wat met straf die on-reg reg - maak;




U, Reg-ter wat die on - reg straf,



kom, re - ken met die men - se af.



Dié wat hul, Heer, teen U ver - hef,



kom, laat u oor-deel hul - le tref.

2.

Hoe *lank* sal goddeloses rustig
in *leed van ander hul* verlustig,
dié *wat, o Heer, u* volk vertrap,
so *sonder vrees vir* rekenskap,
wat *weduwee en vreemdeling*
en *wese om die lewe* bring?

3.

Oor *hulle* onreg *is hul* smalend,
hul *spog* daaroor en *is neerhalend*.
Hul *is vermetel* en praat groot,
hul *onderdruk* en hul maak dood.
Die *goddelose* redeneer:
Dit *bly verborge* vir die Heer.

4.

*Hy wat ons oog en oor gemaak het,
sou Hy dan blind en doof geraak het?
Maar Hy sal straf, Hy wat ons leer,
want Hy Hy besit wat Hy formeer.
Hy weet, Hy wat ons onderrig.
O dwaas, word wys, word nederig.*

5.

**Die *Here* weeg al *ons* gedagtes:
Hoe *lig* is dit wat *hoog* geag is.
Maar *hulle*, deur *U* opgevoed,
met *hulle*, *Here*, gaan dit goed.
U gee *hul rus na* teëspoed.
U sal u volk *altyd* behoed.**

6.

**Regverdig, Here, *is u* oordeel,
tot *dié* wat op U *steun* se voordeel.
Ons *is sy* volk, *sy* eiendom,
Hy *hou ons* vas en naby Hom.
Wie *sonder Hom* self klaar wil kom,
sy graf lê reeds gereed vir hom.**

7.

*Wie sal teen onreg vir my optree
en in my lyding vir my omgee?
Omdat Hy my verdedig het,
het Hy my van die graf gered.
As ek nog dink my voete gly,
staan U my in u liefde by.*

8.

***Ek vind vertroosting in gebede:
My onrus word herskep in vrede.
U duld hul nie wat onheil saai,
die reg vervals en dit verdraai -
Hul wat teen u gebooie in
ellende stig en kwaad versin.***

9.

**Regverdiges, dié word benadeel,
onskuldiges dié word veroordeel.
Maar God laat goddeloses boet
en maak dit vir my by Hom goed.
Hy sal die kwaad verdelg - ons Heer,
my rots, my toevlug, my verweer.**